

abscindit sitim, factam ex humiditatib. salsis, & confert oppilationi epatis & splenis, generatae ex humiditatibus. Prouocat urinam & menstrua, mundat matricem à fluxu humiditatum albarum, uenem stimulat, & aperit oppilationes renum, uesicae & matricis.

DE SPODIO, CAPVT LI.

Sicruor emanat spodium sumptum cito sanat:

Ecphrasis.

Traditur hoc loco Spodium sanare fluxum sanguinis: habet enim uirtutem propriam confortandi epatis. Epate autem, qui fons & origo est sanguinis, corroborato, melius ab eodem sanguis retinetur. Auicenna 2. Can. cap. 617. testatur spodium esse radices cannarum adustas. Dicitur enim, inquit, quòd ipsae aduruntur propter fricationem suarum extremitatum, cum uentus eas perflat. Simon uerò Ianuensis dicit Spodium esse rem cuius origo nos lateat. Restamen adusta uidetur, & diuisiones carnarum adustarum. Confert autem non modo nimio sanguinis fluxui, uerum etiam nentris, & uomitui, teste Rhaze 3. ad Mansorem cap. 36. Confert etiam febribus acutis, & siti, confortat cor, & confert tremori eius calido, & syncopae factae ex effusione cholerae ad stomachum, ut habet Auicen. loco citato.

K 5